


«Um einskildmenn byggjer kyrkje, anten lendmann gjer det eller bonde, eller kven det er som byggjer kyrkje,  
**skal han halda henne i stand og i**  
*Men um kyrkja brotnar og hynnestavane fell, då skal han føra timber på tufti innan tolv måna  
 um det ikkje kjem, skal han bøta tre merker for det til bis*

## VED LIKE - DOKUMENTASJONS- OG VEDLIKEHALDSVERKTØYET

### Om verktøyet



Ved Like skal kunna gi eit grunnlag for at naudsynt vedlikehaldsarbeid blir gjort på riktig måte og til riktig tid, og samstundes gjera arbeidet meir oversiktlag for dei som involverte i forvaltinga av stavkyrkjene. Målgruppe for verktøyet er primært forvaltarar og handverkarar som har ansvar for vedlikehald av stavkyrkjer.

Ved Like skal innehalde tre hovuddelar; ein generell del om stavkyrkjene, ein informasjonsdel om kvar einskild stavkyrkje (Gol blir brukt som eksemplobjekt her), og ein vedlikehaldsdel. I informasjonsdelen finn ein historie, grunnleggende informasjon, oversikt over dokumentasjon, vedlikehaldshistorikk og aktuell kontaktforsyning tilpassa kvart objekt. Vedlikehaldsdelen inneholder vedlikehaldsstrategi, skjema for periodisk ettersyn og vedlikehald, og skjema for vedlikehald som krever omfattande tiltak. Ved Like vil vera eit bindledd mellom verneteori og handverkpraksis.

I denne oppgåva viser eg papirutgåva av verktøyet, men det er tenkt at det kan lagast ei elektronisk utgåve for bruk på pc, og nettbrett i felt. Her er eit utkast til korleis den elektroniske utgåva av Ved Like kan sjå ut, med Gol som eksempel. I ein overgangsperiode kan ein også nytte ei papirutgåve i felt, men da lyt data leggast inn i databasa i etterkant.

Ved Like kan utviklast med data for alle stavkyrkjene i Norge, knytt opp til ei sentral database. Slik kan ein enkelt samle informasjon for kvar stavkyrkje, og dele kunnskap på tvers av forvaltarane.




Slik kan den elektroniske utgåva sjå ut. For felt bruk er det praktisk å ha nettbrettet i vasstett lomme.



### PRINSIPP FOR VEDLIKEHALD

Retningslinjer og rutiner er eit godt grunnlag for eit berekraftig vedlikehald, og vil vera ei viktig kopling mellom verneteori og praktisk bygningsvern. Prinsippa og metodane for vedlikehald av stavkyrkjer presentert i "Ved Like" er overførbare til eldre trebygningar generelt, og kan såleis vera nyttige i andre sammenhengar også. Periodisk ettersyn, skaderegistrering, utføring av vedlikehald og dokumentasjon er grunnleggande i alle høve. Vidare vil det vera individuelle behov utfrå historia og bruken til bygningen.

### Rollefordeling



### Eksempel på bruk av Ved Like: den rotne draken



Under arbeid på Gol stavkyrkje i samband med stavkyrkje-programmet i 2012, vart det mellom anna oppdagat at draken på enda av sørøstre vindski på takryttaren hadde røteskader som gjorde at han snart ville detta ifrå kvarandre. Skada vart reparert, men lat oss sjå korleis det ville ha sett ut om skada vart oppdagat på ein periodisk ettersynsrunde der Ved Like var i bruk:

Skjema for "periodisk ettersyn og skaderegistrering" vart fylt og, og vedlikehaldsansvarleg vart merksam på at det trengtest ein spesialist for denne oppgåva: nemlig ein arkitekt til å gjera ei oppmåling og laga ei arbeidsteikning for treskjæring i 1:1. Da vart skjema for "omfattande tiltak" fylt ut, og ein arkitekt vart kontaktat for å gjera oppdraget. (Foto: Ole Jørgen Schreiner)

Når arbeidsteikninga var på plass kunne vedlikehaldsansvarleg, som er ein dyktig handverkar, skjæra ut ein ny drake. Den forrige var laga i gran, eit val som vart gjort i 1884. I denne omgangen vart det veld malmfur, ettersom dette er vesentleg meir haldbart, og at dette truleg vart det materialet dei ville ha brukt opphavleg, på 1200-talet da kyrkja vart reist. (Foto: Ole Jørgen Schreiner)

Den nye draken er montert på plass, og kan halde minst like lenge som den forrige (som gjekk i opplysning ved demontering grunna røteskada), spesielt når han får eit nytt lag med tjøre jammleg. Heile prosessen (med avgjersler og gjennomføring) vart dokumentert underveis i Ved Like, og kan henstast fram att seinare om naudsynt.